

書名 西湖遊覽志二十四卷 嘉靖二十六年序刊萬曆十二年序江陰范鳴謙修本
撰者 明 田汝成 撰
卷 卷一
內容分類 史·地理·名勝·浙江
索書號 倉石20405
編號 2037500

彩色首頁1

[東洋文化研究所漢籍目錄](#) 編號: 2037500

[東洋文化研究所漢籍目錄所藏漢籍善本全文影像資料庫](#) 索書號: 倉石20405

[漢籍善本全文影像資料庫](#) 文本 [西湖遊覽志二十四卷](#) 嘉靖二十六年序刊萬曆十二年序江陰范鳴謙修本

版權所有: [東京大學](#) [東洋文化研究所](#)
使用上的注意事項

卷一

西湖遊覽志第一卷

西湖總叙

西湖故明聖湖也周繞三十里三面環山谿谷縷注
下有淵泉百道瀦而為湖漢時金牛見湖中人言明
瑞遂稱明聖湖以其介于錢唐也又稱錢唐湖
其稱委于下湖也又稱上湖以其負郭而西也故
云西湖諸山之脉皆宗天目天目西去府治
十里高三千九百丈周廣五百五十里蜿蜒
深拔峭舒岡布麓若翔若舞萃于錢唐而嶺

錢唐田 汝成 輯撰



西湖遊覽志第一卷

西湖總叙

錢唐田 汝成 輯撰

西湖故明聖湖也周繞三十里三面環山谿谷縷注
 下有淵泉百道瀦而為湖漢時金牛見湖中人言明
 聖之瑞遂稱明聖湖以其介于錢唐也又稱錢唐湖
 以其輪委于下湖也又稱上湖以其負郭而西也故
 稱西湖云西湖諸山之脉皆宗天目天目西去府治
 一百七十里高三千九百丈周廣五百五十里蜿蜒
 東來凌深拔峭舒岡布麓若翔若舞萃于錢唐而嶺



萃于天竺從此而南而東則爲龍井爲大慈爲王岑
爲積慶爲南屏爲龍爲鳳爲吳皆謂之南山從此而
北而東則爲靈隱爲徑姑爲履泰爲寶雲爲巨石皆
謂之北山南山之脈分爲數道貫于城中則巡臺藩
垣帥閫府治運司醫舍諸署清河文錦壽安弼教東
園鹽橋褚塘諸市在宋則爲太內德壽宗陽佑聖諸
宮隱隱賑賑皆王氣所鍾而其外邏則自龍山沿江
而東環沙河而包括露骨于茅山艮山皆其護沙也
北山之脈分爲數道貫于城中則臬臺分司諸署觀
橋純禮諸市在宋則爲開元景靈太乙龍翔諸宮隱

隱賑賑皆王氣所鍾而其外邏則自霍山繞湖市半
道紅衝武林門露骨于武林山皆其護沙也聯絡周
匝鈎綿秀絕鬱葱扶輿之氣盤結鞏厚濬發光華體
魄閎矣潮擊海門而上者晝夜再至夫以山奔水導
而逆以海潮則氣脈不解故東南雄藩形勢浩偉生
聚繁茂未有若錢唐者也南北諸山崢嶸廻繞滙爲
西湖洩惡停深皎潔圓瑩若練若鏡若雙龍交度而
頷下夜明之珠懸抱不釋若蓮萼層敷樹瓣莊嚴而
馥郁花心含讓甘露是以天然妙境無事雕飾觀之
者心曠神怡遊之者畢景留信蓬閣之別墅宇內

所稀觀者也。六朝已前，史籍莫不載水。經有明聖之號，天竺有靈運之亭，漢來有慧遠之塔，孤山有天嘉之檜，然華豔之蹟，題詠之篇，寥落莫睹，逮于中唐而經理漸著。代宗時，李泌刺史，杭州憫市民苦江水之鹵惡也，開六井鑿陰，管引湖水以灌之，民賴其利。長慶初，白居易重修六井，甃甕，以蓄洩湖水，溉沿河之田。其自序云：每減湖水一寸，可溉田十五餘頃。每一復時，可溉五十餘頃。此州春多雨，夏秋多旱，若隄防如法，蓄洩及時，卽瀕湖千餘頃無凶年矣。又云：舊法洩水，先量湖水淺深，待溉田畢，却還原水尺寸，往

往旱甚，則湖水不克。今年築高湖堤數尺，水亦隨加。脫有不足，更決臨平湖，卽有餘矣。俗忌云：決湖水不利錢塘。縣官多假他辭以惑刺史，或云魚龍無託，或云菱菱失利，且魚龍與民命孰急？菱菱與田稼孰多？又云放湖水，則城中六井咸枯，不知湖底高井管低，湖中有泉，自道湖耗，則泉湧，雖罄竭湖水，而泉脉常通，乃以六井爲患，謬矣。第六井陰竇，往往堙塞，亦宜數察而通之。則雖大旱不乏，湖中有無稅田數十頃，湖淺則田出，有田者率盜決以利其私田，故自甕非灌田時，金須封閉，漏洩者罪坐所由，卽湖水常盈，蓄

洩無患矣吳越王時湖葑蔓合乃置撩兵千人以芟草濬泉又引湖水爲湧金池以入運河而城郭內外增建佛廬者以百數蓋其時偏安一隅財力殷阜故興作自由宋初湖漸淤壅景德四年郡守王濟增置斗門以防潰溢而僧民規占者已去其半天禧中王欽若奏以西湖爲放生池祝延聖壽禁民採捕自是湖葑益塞慶曆初郡守鄭戩復開濬之嘉祐間沈文通守郡作南井于美俗坊亦湖水之餘派也元祐五年蘇軾守郡上言杭州之有西湖如人之有眉目也自唐已來代有濬治國初廢置遂成膏腴熙寧中臣

通判杭州葑合纔十二三到今十六七年又塞其半更二十年則無西湖矣臣愚以爲西湖有不可廢者五自故相王欽若奏以西湖爲放生池每歲四月八日郡人數萬集湖上所活羽毛鱗介以百萬數爲陛下祈福若任其堙塞使蛟龍魚鼈同爲枯轍之鮒臣子視之亦何心哉此西湖不可廢者一也杭州故海地水泉鹹苦民居零落自李泌引湖水作六井然後民足取汲而生聚日繁今湖狹水慳六井漸壞若二十年後盡爲葑田則舉城復食鹹苦民將耗散此西湖不可廢者二也白居易開湖記云蓄洩及時可漑

田千頃今縱不及此數而下湖數十里菱菱禾麥仰
賴不費此西湖不可廢者三也西湖深廣則運河取
藉于湖水若湖水不足則必取藉于江湖湖之所經
泥沙渾濁一石五斗不出三歲輒調兵夫十餘萬開
濬而舟行市中蓋十餘里吏卒騷擾泥水狼藉為居
民大患此西湖不可廢者四也天下官酒之盛未有
如杭州者也歲課二十餘萬緡水泉之用仰給于湖
若湖水不足則當勞人遠負山泉歲不下二十萬工
此西湖不可廢者五也今湖上葑田二十五萬餘丈
度用夫二十餘萬工近者蒙恩免上供額斛五十餘

萬石出糶常平亦數十萬石臣謹以聖意斟酌其間
增價中米減價出賣以濟饑民而增減折耗之餘尚
得錢米一萬餘石貫以此募民開湖可得十萬工自
四月二十八日開工蓋梅雨時行則葑根易動父老
縱觀以為陛下既捐利與民活此一方而又以其餘
興久廢無窮之利使數千人得食其力以度凶年蓋
有泣下者但錢米有限所募未廣若來者不繼則前
功復隳近蒙聖恩特賜本州度牒一百道若更加百
道便可濟事臣自去年開濬茅山鹽橋兩河各十餘
里以通江湖猶慮缺乏宜引湖水以助之曲折闡

之間便民汲取及以餘力修完六井南井爲陛下敷
福州民甚溥朝議從之乃取葑泥積湖中南北徑十
餘里爲長堤以通行者募人種菱取息以備修湖之
費自是西湖大展至紹興建都齒日富湖山表裏
點飾寢繁離宮別野梵宇僊居舞榭歌樓彤碧輝列
豐媚極矣嗣後郡守湯鵬安撫周宗京尹趙與篁潛
說友通加濬理而與篁復因湖水旱竭乃引天目山
之水自餘杭塘達溜水橋凡歷數堰桔槔運之仰注
西湖以灌城市其時君相淫佚荒恢復之謀論者皆
以西湖爲尤物破國比之西施云元懲宋轍廢而不

治兼政無綱紀任民規竊蓋爲桑田國初籍之遂
起額稅蘇堤以西高者爲田低者爲蕩阡陌縱橫鱗
次作又曾不容刀蘇堤以東縈流若帶宣德正統間
治化隆洽朝野恬熙長民者稍稍搜剔古蹟粉繪太
平或倡濬湖之議憚更版籍竟致閣寢嗣是都御史
劉敷御史吳文元等咸有題請而浮議蜂起有力者
百計阻之成化十年郡守胡濬稍闢外湖十七年御
史謝秉中布政使劉璋按察使楊繼宗等清理續占
弘治十二年御史吳一貫修築石閘漸有端緒矣正
德三年郡守楊孟瑛銳情恢拓力排群議言于御史

車梁僉事高江上疏請之以爲西湖當開者五其畧
曰杭州地脉發自天目羣山飛翥駐于錢唐江湖夾
抱之間山停水聚元氣融結故堪輿之書有云勢來
形止是爲全氣形止氣蓄化生萬物又云外氣橫形
內氣止生故杭州爲人物之都會財賦之奧區而前
賢建立城郭南跨吳山北兜武林左帶長江右臨湖
曲所以全形勢而周脉絡鍾靈毓秀于其中若西湖
占塞則形勝破損生殖不繁杭城東北二隅皆鑿濠
塹南倚山嶺獨城西一隅瀕湖爲勢殆天塹也是以
湧金門不設月城實倚外險若西湖占塞則勝術綿

連容奸資寇折衝御侮之便何藉焉唐宋已來城中
之井皆藉湖水克之今甘井甚多固不全仰六井南
井也然實湖水爲之本源陰相輪灌若西湖占塞水
脉不通則一城將復鹵飲矣况前賢興利以便民而
臣等不能纂已成之業非爲政之體也五代已前江
潮直入運河無復遮捍錢氏有國乃置龍山浙江兩
閘啓閉以時故泥水不入宋初崩廢遂至淤壅頻年
挑濬蘇軾重修堰關阻截江潮不放入城而城中諸
河專用湖水爲一郡官民之利若西湖占塞則運河
枯澁所謂南柴北米官商往來上下阻滯而閭閻貿

易苦于擔負之勞生計亦窘矣杭城西南山多田少
穀米蔬藪之需全賴東北其上塘瀕河田地自仁和
至海寧何止千頃皆藉湖水以救亢旱若西湖占塞
則上塘之民緩急無所仰賴矣此五者西湖有無利
害明甚第壞舊有之業以傷民心怨讟將起而臣等
不敢顧忌者以所利于民者甚大也部議報可乃以
是年二月興工先是郡人通政何琮常繪西湖二圖
并著其說故溫甫得以具槩上請蓋為備一百五十
二日為夫六百七十萬為直銀二萬三千六百七十
斤毀田蕩三千四百八十一畝除豁額糧九百三十

餘石以廢寺及新墾田糧補之自是西湖始復唐宋
之舊蓋自樂天之後二百歲而得子瞻子瞻之後四
百歲而得溫甫邇來官司禁約浸弛豪民頗有侵圍
為業者夫陂堤川澤易廢難興與其浩費于已墮孰
若旋修于將壞况西湖者形勝關乎郡城餘波潤于
下邑豈直為魚鳥之數遊覽之娛若蘇子眉目之喻
哉按郡志西湖故與江通據酈道元水經及駱賓王
楊巨源二詩為証竊謂不然水經云漸江出三天子
都北過餘杭東入于海註云漸江一名浙江出丹陽
縣縣南蠻中東北流至錢唐縣又東經靈隱山山下

有錢唐故縣浙江徑其南縣側有明聖湖又東合臨平湖經槎瀆注于海夫水經作于漢魏時已有明聖湖之號不得于唐時復云湖與江通也水經又言始皇將遊會稽至錢唐臨浙江不能渡乃道餘杭之西津後人因此遂指大佛頭爲始皇纜船石以徵西湖通江之說殊不知西津未必指西湖也至于駱賓王靈隱寺詩有云樓觀滄海日門對浙江潮楊巨源詩有云會過靈隱江邊寺獨宿東樓看海門與水經所稱浙江東經靈隱山相合而西湖通江之說泥而不解夫巨源與樂天同時使泥其詩以爲江湖必經靈

隱山以通西湖也則明聖之號不當豫立于漢魏時而樂天經理西湖時未聞有江湖侵嚙之患况自靈隱山而南重岡複嶺隔截江濬者一十餘里何緣越度以入西湖哉要之漢唐之交杭州城市未廣東北兩隅皆爲斥鹵江水所經故今闌閘之中街坊之號猶有洋壩前洋後洋之稱所謂合臨平湖經槎瀆以入于海者理或有之若西湖則自古不與江通也乃今江既不徑臨平繞越州而東注而靈隱之南吳山之北斥鹵之地皆成民居而古蹟益不可考矣

